

卷之五

王古廉李先生詩集卷七

南京國子監祭酒門人

吳節編集

致仕大理寺右少卿弋陽李奎校正

歌行

題王節行樂圖

幽人蕭散蒼松陰薰風飄拂開素襟
褒衣大冠白羽扇玉軫金徽綠綺琴
鶴鳴九皋山水深調高何處求知音
採藥歸來煮茯苓丹砂可得成黃金
江湖渺渺烟波外惟有閑雲知我心

王古用筆華軒

正郎製筆天下奇天下學士爭求之漢朝相國未應
識秦世將軍曾爾為攢鋒輯穎誰不會工拙從來自
殊態羲之能用柳公嫌伯英豈知仲將愛開窓夜作
無人來毫端五色春花開絕似江淹對清夢能令李
白增雄才汝州高士今何在吳中自昔多_鍾耒入神
妙法匪言傳精藝猶為衆人最生平有志在臨池心
情懶拙誰能知賴得王郎贈圓健興來揮洒風雲隨
昔年曾到華軒下淨几明窓絕幽雅不用仙筒置壁
間世人也自知高價為君作歌歌正長春風忽來吹
墨香濡毫一掃紛燿燦更覺滿室生輝光

歲寒三友圖

天官清勁無所營結交愛結歲寒盟此來有松少梅
竹開軒圖畫如生成蟠柯屈緘蛟龍走玉蕊繁開雪
霜後此日相看更有誰江左王猷渭川叟紛紛薄俗
好繁華春風桃李自相誇亦知榮艷幾時好居然凋
落撐槎牙一望平林獨蒼翠虛心固有凌霄意磊砢
終為梁棟材烹調更適和羹味淇園如篔簹豈尋常逢
人何必問瀟湘傳說岩邊發精采丁生夢裏增輝光
真心勁節有如此盛世榮華孰堪擬清名千載自流
傳却羨畫師巧盈紙

玉峽書房

峽江江頭幾百家高甍傑棟盛繁華山房幽僻何所
有積得詩書餘五車牙籤紺帙多無數開閣芸香滿
窓戶燈火秋來坐夜深庭除花落知春去春去秋來
歲月過少年事業莫蹉跎讀書自擬登雲路挾策寧
能守薜蘿尋常往來無俗客吟詩作賦窮朝夕行輩
爭傳賈誼才時人盡識揚雄宅富家有錢不讀書生
來一任子孫愚看君意氣何倜儻貽謀獨與常人殊
君家自是簪纓裔為君作歌發深思接迹前脩莫浪
夸好遣芳名著青史

雲林書屋

恩注南面連雲林幽人結屋稱閒心屋中貯書幾萬
卷傳家雜羨多黃金飛塵不到庭宇淨雲外書聲溢
清聽滿架應憐富五車穿林更喜通三徑客至論文
夜不休清吟高詠少閑愁也知賈誼才華盛却笑王
充市肆遊一從下帷謝儔侶門前芳草深如許不從
張華徙宅時絕勝揚子談經處卿家簪紱自蟬聯奕
世書香君獨賢徵書早晚賁岩隴看取雲邊姓字傳

所翁畫龍二首

狂風捲地寒雲濕羣龍夭矯爭來集赤岬淋漓雲霧雨

腥滄溟洶湧波濤立須臾三五紛迴翔望中
甲何輝煌三山不見神仙宅百里遙驚掣電光
海邊黑雲吹不盡海水微茫接天近馮夷震懾
海若愁噓喻盤擊勢猶奮昔聞僧繇善畫龍筆
端變化應無窮恍然如對九仙館何必下見驪
龍宮嗟哉神妙有如此不比遺蹤在僧寺幾度
窓前一展看只尺也愁雷雨至嘗聞所翁親見
龍所以畫此偏能工想當欲畫獨盤薄役使神
物驅雷風老鱗奮起裂崖石狂飈拔木烟冥濛
瀉淋爪甲出雲霧左擎右攫何其雄陽侯驚奔
海若避百恠洶湧銀濤中乃知靈物自有神變化
翕

忽誰能窮天瓢簸弄在頃刻怒氣振撼馮夷宮
我願鯨波暫停息且施息澤蘇疲癯飛騰上下
作霖雨九州四海歌年豐

送陳廣文子友改教繁昌

城頭日出鷺亂啼送行直過都城西綠楊拂地
霏殘露紫陌香塵逐馬蹄青春冠蓋滿京國衆
中見君好顏色華嶽三峯雲外高花枝幾處墻
頭出祖筵江上征馬嘶吳兒蕩槳江鷗飛烟中
遠樹猶堪辨卷裏新詩醉亦題此別遙遙向何
處高帆裊裊憑空去牛渚潮痕落淺沙泮池草
色迎踈雨鳳臺斜日倚薰風湖

水雲山知幾重開來倘有相思字題封好寄南飛鴻
春江別意送董元英復任海州

江邊人行向汀沙綠樹紅亭傍酒家欲行不別更携
手海州北望近京華客路相逢情不改剖竹何年出
滄海又見功成入奏來滿懷明月看長在古來作郡
說循良只今龔黃名更香

九重詔出爐烟上五馬嘶來御路傍海州人吏紛相
待曉日晴霞擁軒蓋虎度河壩識舊威花明棠樹知
遺愛五雲低覆鳳凰城驅車出城相送行未從苑外
探春色却向江頭問旅程歌殘齊折春江柳柳外鷗

飛盡回首不管風飄幾片花且共亭陰數杯酒海國
南頭識使車畫閣鳥雀下庭除欲問長江別來意官
舍看雲對畫圖

過魯橋驛望鄒嶧山

客行幾日見山少忽見此山看不了高出齊飄海上
雲低飛欲傍天邊鳥舟人為說鄒嶧山疊嶂攢密紫
翠閣秋愛高標倚空淨未說長河行路難秦皇昔時
頌功處野火燒碑斷行路樹影遙侵黛色寒鷗行直
帶秋聲度舟行益遠山亦移遠影蒼茫看漸微雲來
氣拂琅琊近日出陰連岱岳低夕陽酌酒船頭坐却

對差我忽然過
恋關心隨北斗
懸驚蓬雨逐西風
墮昔日玄暉
窓裏看如何
對此泛晴湍
待得金臺會
朝罷還應回望五雲端

歌風臺

君不見歌風昔日有高臺
古人不見今人哀
露砌荒涼餘白石
斷碑剝落生蒼苔
憶昨歌風臺下路
鳳輦歸時花滿樹
錦筵戲樂天上来
嬌娥舞袖雲中度
威加海内未可論
何如歸見舊山村
青雲壯士古來有
白髮遺民今少存
秋日經過望齊魯
野草寒花是誰主
遠色平分碭北雲
寒聲喚度豐西雨
層層暮管慙秋

奇世人相逢那得知
好看漢祚從此啓
銅雀姑蘇空爾為

中秋宴集得月字

霜葉飛丹桂花發
金臺客舍中秋節
玉署人閑對綺筵
碧漢雲消吐華月月圓
無處人不看
客中有酒情猶豁
天近心依北斗懸
酒酣興與南溟闊
外輪欲及更飛觴
露冷金虬漏聲咽
扶醉歸來促曙鍾
不寐鳴珂向

金闕

清湘書屋

昔人讀書愛山谷君獨臨湘結書屋風起青蘋水面
來雲度滄洲簷際宿常時皮架散芸香次影灘灘清
晝長不向中流舉杜若獨將蠹簡對幽窓祇今作官
在雲路還憶當時舊遊處客裏相逢為爾吟只尺清
湘不能去

和答王脩撰直南京見寄

長河雨過流新水白鴈飛來秋色裏喜得仙郎尺素
書却笑傍人記生死昔時雪案映隣輝祇今迢遞隔
天涯蒹北寒聲落霜葉江東樹色生遐思別來誰是
知音者猶自逢人說東野萬歲山前少詠詩長安道

上多騎馬落日寒生孤鶴群西風客舍正思君却向
黃金臺上望白雲千里遙續紛

鷓鴣圖詩為通州樂汝剛賦

異林之鳥思故山鷓鴣長在高原間盡日相看不相
失有時飛去復飛還世人見此空歎息應有閑情誰
後識斷續多慚百鳥喧卑栖寧似孤飛翼原頭雨過
散晴曛東風吹暖莎草春鴻鴈成行忽南北獍彘猛
驚傷其群何如此鳥能相顧對此令人得深趣芳草
池邊逐夢回華萼樓前伴歌舞君家兄弟盡相宜少
長怡怡人共知情深不用姜肱被醉後多吟康樂詩

一朝遊宦去鄉里却憶高原隔山水故舊能將友愛
情殷勤寫向丹青裏關山迢遞不可踰秋深悵望青
雲衢欲識別來原上意官舍常時開畫圖

題林郎中扈蹕卷

東風吹暖春茫茫

天子乘時巡朔方翠蓋霓旌出雙闕天衢紫陌生輝
光萬騎奔騰度江去卿雲縹緲隨龍馭屬車按節逐
輕塵暖雨飄風淨前路從官文武如雲屯枚鄒衛霍
非所論茲矢金錢每殊賜玉纓璿弁多臨軒南宮郎
官越中客才俊當時獨輝赫錦袍絢日散天香白馬

嘶風驕玉勒六龍宛轉隨天行萬戶千門閑不驚聖
人慶賞行時今天官黜陟樹風聲聲教能令被寰宇
八駿長驅寧足數行宮夜靜傍星河輦路花深聽鶯
語迴首都城隔翠微鳳凰臺下春日遲獨立江東望
江北綠雲千里從龍飛

一樂堂

輕裘駿馬填郊郭誰家得侶君家樂堂上雙親髮未
華河東三鳳人爭誇未說榮華在今日却憶嚴親樹
勲績曾逐元戎西出師馬蹄踏雪擅為衣幾度沙場
心不厭殺氣稜稜奮長劍辛苦歸來知幾年榮名羸

得世人傳東風不種門前柳還對椿萱酌春酒東家
窮獨恒苦飢西隣無事傷別離人生有情歡不足萬
事由來如轉軸篋裏多錢廩多粟不及眼前多骨肉

嵩隱軒

幾年結屋嵩山間喬林石磴窮躋攀身將康庶共遊
衍興逐雲霞自往還苔深仄徑人來少綠樹柴門隩
深窈風度堦前掃落花夢回窓外聞啼鳥閑來倚石
獨看雲却似愚公野谷村溪頭種竹繞林麓澗底尋
芳到水濱世人幽趣未曾有還惜山中往來久松陰
涼拂芟荷衣秋色晴熏菊花酒落日山邊放鶴回滿

庭芳草無塵埃不須更向武陵去東風幾見碧桃開

澄懷堂為王指揮賦

將軍身貴心事閒作堂正在高城間樹隱踈櫺伴清
晝竹深曲徑回雕闌常時燕坐朱門裏遙山翠黛濃
如綺不將情思競春華獨得高懷比秋水通衢車馬
日交馳紛紛榮耀知幾時何似君侯保終始能令甲
第生光輝憶昔青雲逐旌旆飛騰適遇風雲會猛士
謹呼氣勢豪勅敵驚聞心膽碎回看白日麗中天論
功更數將軍賢壯節寧隨衆人後丹心祇荷
聖情憐由來懷抱多磊落萬里秋旻飛
鶚曉趨

金闕侍

天顏夜歸高館論韜畧錦袍駿馬照青春意氣從來
不顧勲欲將一劍報恩寵只今四海無風塵昨來相
逢得交契邀我作歌道深意歌罷蘭尊對綺筵草色
花香滿芳砌知君寧肯事閑居此心長傍承明廬却
笑貴游狂狹子平時無事貪歡娛

龍洲書館圖

身閑杖履不出門門前車馬多如雲閣中盡日少紛
雜窓下常時對酒尊青山對門翠如染碧溪散彩晴
烟斂曉鶯喚客似多情夕鳥歸林知幾點有屋不藏

金與珠愛子祇教書與詩家貧蕭散更何事業成富
貴應有餘山村亦有尋幽侶載酒携琴過烟渚王獻
溪裏雪盈船楊子庭前草深路來遊
京國亦多年結交喜得嵇紹賢看圖却惜龍洲趣那
得相從竹樹邊

梯雲樓為衢州李庠賦

飛軒伏檻參差起高出憑陵碧雲集半空暖日上簾
鈎幾片晴霞拂窓綺夢回下瞰銀河流明月掛在重
簷頭金風吹散廣寒殿桂花燦爛懸清秋滉漾如將
見牛女暗織機絲隔河語仙人飛珮下紫烟白兔斜

眠濕寒杵興來作賦凌赤霄酒酣落筆如湧潮姮娥
驚起睡未足卧拭鉛華挿翠翹天門勃鬱霏殘霧桂
樹亭亭滴香露折得高枝控紫騮驕嘶直上青雲去
白門霽雪

漠漠凝雲乍飛雪登高遠眺同天色九重城闕曙光
寒萬里長江浪花白玉樹瑤珂繞石頭兼葭白鷺失
滄洲香街積素隨風起斷港殘冰帶水流初晴踏雪
都門外千山萬山出空翠日下徐看暖氣融城陰亂
落瑤瑤碎此時酌酒送君歸梅花折盡向南枝尊前
解唱郢中曲醉後何知有別離北風正急潮乍起幾

日孤帆到鄉里憶得都城雪霽時好教頻寄相思字

樂耕亭

長安年少多騎馬獨結孤亭向田野亦知勝處可栖
遲故有閑身樂耕稼春雨初生布谷啼驅牛扶耒過
前溪山田犁破晴烟暖村迺歸來落日低歸來有書
還自讀肯將歲月閑中過數畝幽居隱白雲滿林芳
草迷黃犢秋風禾黍已登場喜得瓮頭新酒香客至
琴尊且相樂興酣世事都已忘逢人多問躬耕處桑
柘門前綠楊樹何許歸休買薄田也築茅亭共君住
送高陵令

城頭烏啼天欲曙披衣起送郎官去征馬嘶鳴木落
時仙鳧飛向梅開處梅花帶雪歲將闌君行幾日見
南山藍田日出雲蒸石函谷鷄鳴月滿關高陵昨者
多遺愛歸時人吏紛相待路入桑間雉不驚風生堂
上琴猶在對此如何不自怡獨憐故舊多別離鴻雁
封書寄能及莫令羈旅長相思

送人歸衡陽

鳳臺春至雨偏多綠楊晴日鶯聲和衡陽郎官忽歸
去車馬紛紛擁岐路嬌歌急管動春聲送君多是
交情却惜別離容易久握手更酌尊中酒繡衣昔者

在朝端臺中凜凜清霜寒自從作縣別京國幾處彈
琴有成績去年考官來天官客中聊復得交懽片帆
曉別秦淮水倏忽相思又千里鸚鵡洲前芳草青洞
庭湖裏春波平湖邊識得舊遊處河陽城中盡桃柳
樹底東風祇待君歸到花開之無數

龍溪書屋

一泓溪水環村流幾年結屋溪上頭屋中只留舊書
籍牙籤滿架芸香浮門前種柳深成巷數家烟火閑
來往竹間客到自留題水面風回忽生浪從來不愛
滿囊金讀書長是惜分陰中流肯學採蓮唱落日猶

聞漁父吟鷗飛渡口花蒲樹花底漁舟任來去未識
滄浪把釣徒還尋揚子談經處蔡邕有書將與人却
羨高賢不厭貧詩禮相傳誰得似令人長憶清溪濱

雲松詩

青松亭亭雲滿山每憐先壠在山間昔時見雲憶親
舍松色蒼茫接桑柘今得祿親已捐空想雲松掛
紙錢心苦還應對雙表淚枯那復及重泉陽江縣中
望鄉里迢遞關山隔烟水日落猿啼暮色中月明鶴
唳秋聲裏雲林落落悲風纏夢魂長是到墳前官舍
沈思那可見獨對新圖淚如霰祇望他時錦誥榮蘋

繁猶可松門薦

送詹知縣之寧德

雕鞍紫駟馬驕嘶出都門紛紛冠蓋一時集遠送即
官到水濱郎官本是臨川客青春才思真奇絕十年
厲志事燈窓一日携書遊

上國自從作縣出維揚曾見鳴琴不下堂邊淮春到
棠陰滿綠樹烏啼夜月長昨來紫陌重逢處幾日承
息又南去極浦帆開綵鷁輕長堤柳隲黃鸝語吳江
迢遞越山青仙鳧飛過合沙城海邊人語潮通市縣
裏花開春滿庭政閑官府無一事獨騎行春見馴雉

山田到處有人耕鄉里何曾識胥吏揚花飛雪漫紛紛
紛別後關山隔斷雲孤館遲回忽相憶離思悠悠那
可論

悅槐堂

植槐不在多種德如種樹前人解種後人傳故有清
陰滿庭戶高枝凌雲低覆闌晴光翠色生書爽客過
停車尋徑入閑來隨意捲簾看人家多愛種桃李幾
日春風紅滿地何如此花開獨逢三公庭外秋香細
課兒讀書書滿牀更將幽興引壺觴半酣獨對西窓
下啼鳥數聲清晝長

送胡以賓人材歸老

胡君平生好讀書老來只在中居忽然徵書到鄉
里便棹扁舟謁
明主都城冠蓋多如雲紫陌輕風飄暖塵五鳳樓前
駐征馬雙龍闕下承
君息君息有待身已老濟世功名惜未早天上携將
雨露歸山中着得荷衣好歸來垂橐無一錢長歌酒
酣高枕眠蠟屐獨尋三徑集夢魂還到五雲邊都門
六月霏殘雨雨中携壺聊出祖回首關山隔渺茫月
明相思定何處

題成以節赴春闈行卷

成君自是青雲器生來讀書負奇志今年秋闈催入
試折得蟾宮一枝桂到家幾日促裝行片帆遙指鳳
凰城洞庭湖集雪水滿鸚鵡洲邊春草生乘流千里
忽超越五雲深處瞻龍關趨朝紫陌月將斜射策
彤廷日初出九衢雲集盡英賢劍光文彩動星纏獻
賦多傳揚子在掄才須讓賈生先只今相携送君去
萬里鵬程從此逝總說

明時得俊才魁首相看上帝路他年歸來着錦衣却
令鄉里生光輝丈夫功名在少壯莫更臨岐傷別離

古風詩集七卷終

古風李先生詩集卷八

南京國子監祭酒門人 吳節編集

致仕大理寺右少卿弋陽李奎校正

歌行

題瀟湘烟雨圖

是誰畫竹真絕奇脩脩一片琅玕姿密葉叢稍鬱森
奕淡烟疎雨何淋漓高堂相對清如許恍然疑在瀟
湘浦耳邊宛聽鷓鴣啼空外俄驚鳳鸞舞曾是青青
雪後看雨中翠色猶可觀雲來陰拂淇園暮風度聲
連渭水寒虛心直節誰與並歲闌獨立風霜勁安得

裁竿上釣臺為爾長歌寄餘興

秋江蘆雁圖

平沙烟水何渺茫鴻鴈飛來蘆葉黃
凌空何處有矰繳秋近江南多稻梁
成行相呼不相失帶得秋聲落沙磧
暝宿霜寒羽翻清夢回月轉滄洲白
幽人居住足雲蘿尋常鷗鳥來相過
忽然堂上開圖畫獨立江頭秋興多

題黃鶴山人秋意

大湖楊波北風起湖上遙山青若薺
高閣憑空何處閑霜樹林邊秋色裏
林深石路盡莓苔天清幽檻凌

雲開山人高興獨蕭散賈客扁舟任
往來筆花爛熳照秋水孤嶼朝光墮
窓几忽聞啼鳩三兩聲一望雲濤幾
千里吳興老人百不憂金陵夢想白
蘋洲草深黃鶴山前路坐對新圖憶
舊遊

送羅伯初陽江訓導

春風吹雲雨乍晴城中留人人欲行
紛紛嘶馬送君出折柳江頭惜別情
舟人艤棹吳江曲酒更且進杯中綠
黃鸝送巧近離筵碧樹飛花亂人目
故鄉若到莫徘徊海南士子待君來
泮池乍見芹藻綠門墻便有桃花開
知君對此情更樂旅館寥寥嘆離索
千里

關山共月明翹首相思倚高閣

折楊柳送鍾中書還南京

日出薊門前楊柳含朝烟朝回騎馬送行客半酣握
手心茫然柳枝猶帶雪春風未曾來留君更須臾絲
管莫相催徘徊衢路側且酌尊中酒別從意更長何
須折楊柳睽此故交情去去遙相望北鴻南燕各自
居翻飛都在青雲上勸君看取楊柳枝江上青青君
到時

畫馬篇

憶昔曾騎天廐馬白日從龍自天下騰空籜影度陰

山回首方看汗流赭幾回逐虜沙磧中振鬣長鳴駐
翔風倏來忽往若驚電衝群一出萬馬空歸來共喜
脫羈勒放牧荒郊誰復惜還想當年出塞時朝薄扶
桑暮西極莫言潦倒筋骨衰餘力猶堪一戰施豈比
駑駘空飽粟伏櫪長閑無所為

題山水為陳太守賦

萬疊青山拔空起一道長江清徹底隔岬蒼茫不見
人人家多在晴雲裏匡廬五老蓬萊山滄洲白鷺烟
波間隨風客棹任來去落日樵歌自往還絕磻孤亭
倚烟樹彷彿天台石橋路欲訪群仙躋鶴遊寧乘五

馬專城去五馬專城幾歲華頭令千里徧桑麻問問
何處見驚犬田野無人說捕蛇宜陽太守有高致筆
端寫出仁民意雨過棠陰滿路蹊春深草色連庭砌
祇今考宦又南歸螺峰鷺水生光輝窮簷蔀屋有悁
獨待爾重臨慰渴飢

畫梅

補之畫梅花不繁老幹疎花真可觀後來畫者皆不
及徒費精神未能及此梅不知何所為筆法稍似楊
補之清淡之中見閒野一段高標孰能寫君從何處
得此園華堂燕對形神舒何必清吟在東閣不教歸

夢繞西湖西湖舊時讀書處湖邊一望梅千樹風回
空外盡聞香雪落林間欲無路自從別來今幾年此
心忘却泛湖船看花不復耽幽趣調鼎終期繼昔賢
看君文采誰能似廣平詞賦清如許鐵石心腸人共
知歲寒高潔真堪比我家居住舊梅溪忽見梅花興
欲飛為君諷罷和羹句却望江南一棹歸

題竹

子昂寫竹天下奇清新瀟灑誰得知尋常圖畫空滿
紙此地蕭疎惟兩枝疎枝密葉翠可數白石蒼苔潤
如許坐裏渾疑霧雨寒空中宛見鸞鳳舞廣陽將軍

欣得之公餘相對情自怡客來不講孫吳法興到長
歌淇澳詩雅懷高致有如此更精韜畧那堪比呂尚
鷹揚自古希七賢六逸徒為耳

將軍獵雨

將軍一生膽氣雄六韜三畧蟠心胸閑來校獵擁貔
虎城西倏忽又城東彎弓走馬若驚電草頭雲外入
不見射飛彈鴈應弦落殺狐逐兔隨風轉昨聞雨在
五里岡出門飛騎何鷹揚指揮猛士盡踴躍直前殺
虎如割羊有時嬉遊到鄉里千村萬落爭迎喜挾彈
歸來鳥欲棲日落營門暮烟紫自是名家富貴人何

幸遣逢

明聖君豈肯偷閑度時日長懷報

國樹功勳

獅子裘毬

西南諸番濱海國來獻金獅重幾譯効靈禁苑成一
雙弄影層臺皆五色綵毬抱得嬌舞時掣電搏風捷
若飛依微合浦明珠湧鬚鬚銀河星斗垂鬚如長絲
齒如鋸目懸夾鏡精神聚呼聲動地滄海翻猛氣騰
空震雷怒雲林掩映渾不驚傍人未覺是丹青自非
絕域邊

王化安得雄姿到

帝庭異物從來歸有德崑崙山高塞門闢展圖一覽
皇風清始信軒轅來白澤

五明馬

龍媒迅足駿且良蘭筋樹骨何昂歲玄螭表像白玉
踠行驅紫燕驚飛黃驛頂雙顴夾明月四蹄猶帶天
山雪曉浴瑤池玄霧凝寒經瀚海層冰裂東西南北
萬里遙追風躡景不終朝離群滄海日初出歸秣金
莖露未消世間神駿有如許雄姿逸態超千古蹠足
渾疑白鴈翔凌空只覺蒼蚪翥由來天廐有真龍一

出驕嘶凡馬空五花偉跡傳圖畫八駿悠悠那可同

送王行敏歸秦和

都門車馬多無數紛紛送君出城去離亭握別歌未
休吳兒蕩槳催行舟江邊柳疎秋正好江楓葉落涼
生早歸去青山有白雲夢回幽處多芳草君家嚴君
能作官更看令弟在朝端重來問訊鳳臺畔幾度趨
庭南海壖伯華有才人盡識論交况是非今日自惜
年來見面稀別後惟應重相憶尊中有酒為君携歌
殘更酌君莫辭須臾別去不可見翹首遙空鴻鴈飛

瞻淇軒

城中人家起高屋屋邊刺地都栽竹白日風驚翡翠
毛清秋雨洗琅玕綠知君愛竹竹滿庭天寒雪落獨
青青龐公不到幾曾識王猷數過得同行淇園憶昔
移來種三徑清陰有誰共罷琴掃石坐應閑只好林
間聽鳴鳳

壽泰和楊先生六十

西昌老人好風格今年六十頭尚黑幾日春風初度
時五夜星芒動南極子孫成行多讀書斑衣滿前酒
滿壺謝安掃石坐能久揚子談經意有餘青松門巷
倚脩竹翠霞落映杯中綠海屋仙籌添幾回王母蟠

桃看又熟蕭散雲林亦似仙豈必還丹堪引年齊中
初薦公孫子池上應同白樂天君家自是簪纓裔翰
苑文章說難弟更識王戎有俊才五色雲中見騏驎
昔曾來遊

京國時高懷雅度人共知自從歸去隔山嶽今于青
雲惜別離政逢壽旦在林谷上日開筵宴草屋想見
南山插斗傍遙遣長歌寄心曲

送彭毓智兄弟

別來自昔交遊稀昨日逢人今又歸一片征帆江上
起幾行旅鴈雲中飛人情相看異鄉好見雨來時秋

已老客舍無錢情有餘為賒斗酒相傾倒小軒恰容
三五人開軒靜坐無囂塵墻邊踈柳葉聲淨階下黃
花寒色新朔風吹雲過城去星離雨散江東樹樹底
猶聞嘶馬聲江中不辨行舟處池陽回首望
京華倚蓬忽過長風沙山侵廬阜原野連水接瀘溪
直到家鄉隣相見盡歡喜胡瑗後來最知己倘及歸
時問我名為說官閑只如此

送潘參政

金門曙色照初晴朝回冠蓋多出城城邊酌酒送君
去絲管啾啾帶別聲憶自同年識半采十載交情未

曾改作官已是重朝端奉使多應度滄海祗今分政
大江西駿馬長鳴出

帝畿離亭欲別見鴻鴈盡省初臨看紫薇遙想居民
盡相待千里春風廓氛靄輜軒不出庭戶間人心自
得湖山外久客相思獨不勝悵望關山路幾程會當
報政來朝日遲爾雲霄說別情

送劉顯忠省親還鄉

朔風吹雪何紛紛雪中送客出都門遙看寒色逐征
旆更向離亭倒酒尊嚴君夙負凌雲志久住侯門多
意氣

京國趨庭幾度來，夜燭寒窓說離思。相逢多是故鄉人，往來只覺情獨親。可堪倏忽又歸去，使我臨別驚心神。君家湖邊住，華屋門前五。峯削寒玉舊，日閑軒好讀書歸。時三徑仍栽竹，連堦草色愛春暉。東風戲綵向慈闈，嚴親獨宿更相憶。待爾重來又幾時。

蒼山小隱

蒼山東來忽然住，十里盤回衆峰聚。我家令弟心獨閑，為築幽居向深處。開門種柳臨清溪，溪中水流魚自肥。懸崖日暖雲生石，綠樹春歸花滿蹊。閑時着屐入山裏，山行踏遍莓苔紫。牧童吹笛送斜陽，仙客敲

暮落松子我昔從此求。日留竹窓幽戶對，清秋烟霞倏忽別成秋。至今夢想蒼山遊，昨來金陵忽相遇。邀我題詩便歸去，尊酒聊將客裏歡。片帆遙指鄉關路，鄉關到時雪乍晴。山中草木回春榮，日長高卧白雲裏。須記天涯離別情。

海天高興

溟漲茫茫闊無際，瑤島滄洲迤邐通。萬里清澄極望平，涵空浴日浮雲氣。往年曾見海潮來，勢如山岳聲如雷。鯨鯢怒挾波濤立，仙客愁隨鸞鶴迴。自從太守到為政，盲聵不動滄波靜。帆集朝看蠻舶多月明，夜

見珠光迥太守閑時一縱觀天吳海若皆騰歡極目
寧知碧天遠放懷豈啻滄溟寬雙旌一去竟何在弱
水蓬瀛晝冥晦至今海上有甘棠能令過者皆垂淚
停舟清磯訴風伯

嗟爾風伯神且靈八方之風惟爾行送迎舟楫任來
往鼓舞植物俱生成昨來我欲回
朝去掛席長江藉神助如何不與一帆風極力船頭
逆相拒朝朝暮暮自北來驚濤怒浪聲如雷島嶼崩
崖白鶴驚蛟龍奮鬣滄溟開排空歎日無時歇直恐
天傾地維裂勢壓錢塘八月潮光搖岷嶺千峰雪夜

宿江皋對月明蕩漾蓬窓如電驚筭程計日心猶切
歌枕通宵夢不成嗟風伯兮誰爾使一月呼號猶未
已我欲攀天訴天帝擲爾荒郊誅爾死

入鳳城襄城諸公來迎就會襄城家小飲即辭
去年到此未入城今年聊慰離別情自媿踈狂一衰
老可勞廊廟諸公卿諸公握手盡歡喜亂把金杯酌
仙醴就中賢豪貴公子華筵坐我春風裏近來多病
少銜杯只今且去待重來來時當侍投壺飲我懷不
飲為君開

山邊結屋溪上耕山溪樵漁知我名原頭雨足扶耒
出谷口春晴聞鳥鳴田家種田少閑暇輾轡終收作
禾架隴上分畦植豆苗墻陰隙地栽桑柘東郊牧牛
牛盡肥自從耕稼多及時秋穀登場看獨早官家輸
稅未應遲西風酒熟邀隣舍共說年年好耕稼
盛時無事身得閒縱飲高歌到深夜曉來日出始開
門幾家烟火接孤村只今倉廩多諸粟且向城中買
書讀

鳳山書屋

鳳凰山在何處綠蘿青松結烟霧家中有人能讀書

積書歲久多無數深林厦屋清晝閒白雲飛落蒼崖
間散帙秋螢案頭聚開簾夕鳥天邊還當時茶罷書
滿腹後來有書無人讀何如陳氏多才賢文采風流
世相續羨君青年才更優不將白日作遨遊月色當
窓坐深夜蛩聲繞砌吟清秋明時不遣卧空谷已見
鳴驄出林麓影纓曳組在雲衢思繞當年舊書屋異
鄉回望獨凭闌閑河迢迢歸路難誰遣丹青解人意
鳳山只尺眼中看

送劉校書往泗州學正

城門初開征馬嘶出門送客繞長堤朔風吹雨欲飛

雪岐路香塵踏作泥過橋駐馬且沽酒雨裏携壺到
江口開筵狎坐縱高歌亂折梅花不停手梅花飄香
落酒杯杯殘歌罷更遲回朝中故舊惜君別泗水諸
生待早來揚帆忽渡滄江去流澌臘月邊淮路浮磬
沙頭石吐霞淮渦水上雲連樹泮林到日得閑情馬
融帳裏好談經桃李門墻散光彩東風啼鳥送春聲
可堪羈旅在

京國遙望河山渺難越五夜相思待漏時獨立青霄
對明月

水蘗堂

鐵冠御史繡為衣烏臺六月清霜飛蒼鷹撇捩起雲
漢驄馬騰驍當路收人生所貴在清白辛苦由來事
高節寒入金壺夜貯冰志堅鐵石朝餐蘗前年攬轡
渡長淮淮邊千里淨氛埃輜軒所至動山嶽平原不
見狼與豺歸時澹泊恒自守水蘗堂中何所有古來
萬事皆等閑惟有清名可能久

學圃

不從隙地起樓臺獨看小圃青山隈門前開徑林邊
入溪底通泉竹下來春風初回好耕作時時入園那
厭數帶雨携鉏分壠塍攀叢折棘樊籬落幽軒多暇

閑簾捲滿園新綠紛丰茸日彩輕浮免葵菜露華淨
裛熊踏菘有時親友能相碩旋向園中摘瓜瓠掃石
松間綠蔭稠開尊花底清香度昔聞灌園甘苦辛不
顧黃金寧顧貧廣川猶有下惟士吳郡誰將傲主人
如君豈是悠悠者幾載窮經竹窓下待看白鶴降天
書不比傍人老耕稼

畫山水

青山峩峩幾千尺迴崖沓嶂凌空碧萬樹花開洞壑
陰千岩日出烟霞赤何人結屋倚喬林朱闌綺檻闕
幽深泉聲曉漱澗中石花氣晴熏窓下琴小橋流水

清見底江邊白石紛紛高軒燕坐不出門遠客幽
尋到山裏山深鳥啼山雨晴東風忽來春草生不知
滄海有蓬島疑近天台見赤城赤城迢迢更何在山
中芝草無人採清興悠悠誰共閒一曲長歌白雲外

白鷺洲送人下第歸文江

君不見白鷺洲平沙漠漠江中起萬里雲連水氣寒
三山鳥下烟光紫東風忽來如有情吹得滄洲莎草
青雨霽垂楊送鶯語潮回初日射沙明蒼茫望入吳
江樹兩岸人家住無數嬌春羅綺任行遊賈客帆檣
自來去送君從此獨南歸征棹搖搖掠斷磯滄浪不

見濯纓處故里還思下董帷
霜蹄暫蹶身未老到家
讀書應更好上苑花開待爾遊
莫向滄洲戀芳草

送瀘州新安訓導

橋門作客應已久磊落才華世稀有
去年折桂得高枝今年政是作官時
一官迢迢向何處獨將行李新
安去別袂初從江上分征帆却在烟中渡
維揚回首見都城過淮新水漲波聲山連齊魯晴雲遠路入幽
燕莎草青新安自昔風景好泮水諸生待來早執紼
鼓篋謾紛紛馬融帳下窮探討知君振鐸情獨閑都
門遙望隔閑山誰道相思遠難寄秋來鴻雁望南還

送陽副使赴雲南

十年烏府聲輝赫此日承

恩別京國秀冠遠作外臺臣驛路還迎驄馬客
驄馬驕嘶不可留餞宴紛紛臨道周春深杯酒意難盡日
轉離筵歌未休東風吹人忽分袂南去霜臺幾千里
巫峽猿啼碧樹雲滇池日照金沙水行看鷓鴣厲青
天下視狐兔俱蕭然桓典曾令世人避蘇章更有清
名傳我生落魄從來久惟君於我情偏厚一室頻年
似罄懸贈君遠行何所有君行不用說埋輪激揚要
使梟鷲分丈夫守道貴得意莫厭清貧同衆人

漢陽樹色送蕭大尹雲南

漢陽孤城江上起，綠樹環城幾千里。
平林迢遞帶秦梁，遠色蒼茫接烟水。
遙村近郭有人家，春來處處種桑麻。
雨餘窮巷聞啼鳥，日出晴川散綵霞。
蒼松翠柏寒森鬱，豈如洞庭唯有橘。
漢水巴江樹底來，農歌牧笛烟中出。
送君遙望漢陽城，漢陽樹色還青青。
雙鳧快展雲霄翼，百里初聞絃誦聲。
也知明年種桃處，花發多於漢陽樹。
矯首相思隔斷雲，臨岐謾作江淹賦。

送郭慶大尹還猗氏

夏日雨初罷，赤日赫層城。
城頭鳥雀散，門外車馬鳴。

問君昨來得幾日，倏忽相看又成別。
尊酒長亭歌吹聲，綠柳平沙送行色。
舊聞善政得民心，三年百里有棠陰。
春行桑下見馴雉，晝臥堂中懸素琴。
紙今又向汾陽去，歸旌却問來時路。
死馬秦山樹底行，雙鳧函谷雲中度。
亦知到日不勝情，邑中老稚盡相迎。
昔時種桃桃滿城，明年花開多頌聲。

邯鄲烟樹送朱珏參議歸河南

邯鄲古城人到稀，碧樹蒼烟入翠微。
烟深草綠無行處，樹底遊人歸去遲。
東風吹雲忽飛雨，千樹萬樹花爭吐。
紫山欲斷滏山青，一望嵩高在何許。
前年騎馬

過城西城邊舊路今不迷春深柳市看人醉日出桑
林聞鳥啼邯鄲人家多賣酒且上高樓呼一斗豪來
不讓謫仙人半酣落筆詩千首遙指邯鄲送客行滏
陽西望洛陽城紫薇花底一迴首雲樹相思無限情
岩岩亭送陳參政歸山東

岱宗磅礴不可擬翠色橫秋幾千里硝石崦岩倚天
外孤亭屹立當山趾亭前芳草沒路岐古砌蒼涼苔
蘚滋幽花拂檻無人採獨鳥時鳴聽者稀晨露浴日千
峰紫一杯遙見滄溟水昇元觀裏曉鍾聞岱嶽祠前
白雲起聖賢大道誰不由乾坤闔闢同周流泰山氣

象偶為喻誰遣名亭獨此留君去薇垣有閑日隨處
登臨訪遺跡想得凭闌一望餘懷古清吟興何極

朝陽丹鳳圖為李奎御史賦

鳳兮鳳兮爾之出也何所為必有

聖人在上鳴舞當其時所居嶽嵒石千仞河流直下
向海歸羽蟲三百爾為長九苞五采真竒姿栖必丹
穴食必瓊芝刷羽毛於崑嶺吸沆瀣放天池實

盛世和氣之所產彼尋常凡鳥烏可以為儷音蕭韶
九奏於虞廷一來舞而有儀厥後岐山之下亦聞之
嘻寥寥千載世莫見兮陋緱山之長性鄙蕭史之善

吹欲將嘶瑞圖瞻望洛水湄長鳴白日九天誓令
四海皆春熙豈肯學蒼鷹一飽輒高飛

古廉李先生詩集卷八

古廉李先生詩集卷九

南京國子監祭酒門人

吳節編集

致仕大理寺右少卿弋陽李奎校正

七言律

元夕觀燈四首

珠星璧月拱神京春到元宵淑氣盈九市笙歌連巷
陌萬方黎庶樂昇平金蓮湛露晴光動華蓋中天瑞
彩呈自是

聖朝無事日華夷處處有歌聲

宮闕瞳眴萬戶開六龍扶輦御瓊臺鸞旂影向雲中

度鳳吹聲從天上来仙苑已看佳氣應禁城先見早
春回金吾放夜永

天詔玉漏璫籤不用催

月殿星橋碧漢通彩粧蓮燭炫層空三陽爔透千岩
綠五夜花開萬樹紅彩映玉樓晴雪外光浮寶座瑞
烟中太平

天子崇佳節歡樂還應四海同

五雲深處錦筵開山樂終鳴御膳來風送異香浮玉
案春催煖色上瑤臺瑤池遠獻千年菓瀛海深添萬
壽杯喜溢

龍顏天日表更看佳氣滿蓬萊

送李暹主事使八達黑商

遠使輪臺萬國西煌煌玉節照金泥曉臨戎落聞番
語夜宿沙場聽馬嘶葱嶺去驚寒雪早玉關回望暮
雲低能宣

聖德懷殊俗歸荷

息榮孰與齊

和胡學士中秋韻

萬里山河拱

帝城秋清月近倍分明金莖沆瀣雲中出銀燧蒲萄

醉裏傾幾處歌鍾催曙色九門刻漏送寒聲玉堂傳
得陽春曲更向通衢頌治平

送鄭中書雍言還南京兼簡周編脩

少年擢桂羨諸昆稽法精專衆所尊玉署選留還績
學鳳池膺薦獨承恩春風來日辭淮浦暑雨歸時到
薊門若見故人周茂林為言離思繞詞垣

送人赴河南

細雨沙乾不作泥雨中送客過長堤薰風綠柳黃鸝
語芳草紅亭驄馬嘶夜坐寒窓空對月曉行驛路獨
聞雞也知嵩洛遙相待莫向都門惜解携

送蕭深州

作郡多年別

帝京昨來相見廣陽城雙旌曉日承

息去驛路春風騎馬行乘拓連陰無虎跡甘棠繞郭
有鶯聲但看望之何事業不徒循吏著清名

送劉僉憲咸還河南

雙闌矍矍曉退朝携壺送客上河橋繡衣初帶天香
出白日偏乘驄馬驕寒傍薊門春尚淺雪殘嵩嶽路
非遙外臺久別懷風節到日相迎捲舊僚

送呂尚書歸省

朝端碩望似君稀千里寧親許獨歸

丹詔曉從天上出白雲晴傍馬前飛秋風華嶽迎仙
蓋旭日萱堂映舞衣養志須看勲業盛不言閭里有
光輝

送郭給事外父歸文江

仲容簪筆立螭頭千里能來慰別愁望遠每懷蘭砌
美到京殊勝竹林遊客窓樽酒清宵月歸路孤帆白
鴈秋此去文江尋舊隱閑雲綠樹轉深幽

胡學士挽詩

翰林傑直禁垣東內相名高位益崇步輦傳宣勞

聖眷御樓侍立許誰同金蓮寂寞過殘夜玉樹淒涼
對朔風懷望瀛洲空舊跡不堪揮淚夕陽中

松溪舊隱為查主事乃兄賦

百尺清潭幾仞山幽居正在萬山間門前種竹原通
徑窓下看書獨掩閑泉落重湖春漲闊陰連五老暮
雲還季方霄漢多歸夢長繞星溪綠水灣

題方壺小景

絕澗懸厓架石梁白雲深處是何鄉萬山泉落秋聲
滿一徑春歸草樹香江帶平沙烟漠漠水浮孤嶼樹
蒼蒼夕陽誰棹扁舟去遙望空林隔渺茫

送新安葉令尹

西風落葉鴈初歸
秋草萋萋去路微
樽酒城邊留客住
雙鳧日下傍雲飛
桑間馴雉行春遠
堂上鳴琴聽訟稀
為報河汾王教授
故交音耗莫相違

閩山霜露卷

久別先塋事遠遊
闌闌迢遞白雲浮
雨深草沒荒山道
霜落猿啼古樹秋
大野茫茫春自去
寒溪漠漠水空流
夕陽回首遥天末
望斷鄉園無限愁

送王吉士華歸寧波畢婚

征馬蕭蕭背朔風
長亭獨立送歸鴻
昨來金榜名應

著山云藍橋路自通
占夢已期冰泮後
檢書猶在月中明
中離情杳杳隨人遠
直過吳山泚水東

贈秀才從軍

少年聞說薊門行
到得從軍白髮生
校獵雲中過細柳
防秋雪裏度長城
也須騎馬隨邊將
強學彎弓射虜營
却笑讀書空自負
不如學劍早成名

鍾鼎曾狀元
婿也既字之
來求詩以勉之

寶鼎千金未易酬
青春文采異常流
壯年任力輕烏獲
盛世銘功重列侯
聯句空驚山骨羨
和羹終副廟堂求
也知已有成人志
萬里雲霄邁爾遊

送周文褒復任河南

曉來駟馬復歸裝象簡朱衣帶

寵光路出金臺辟薊壯山連嵩嶽入河陽清樽客散
紅亭杏盡省官閑白日長不獨雄藩重才畧行看黼
黻在巖廊

映雪齋

積雪空齋絕點塵看書夜坐不憂貧漏殘每訝寒光
早窓淨長留瑞色新自勝囊螢當永夕何須鑿壁向
比隣華堂銀燭多歡賞得似閒情有幾人

和荅盧吉士翰二首

千里遊觀柰別何每懷聯步上鑿坡客程來徃風霜
憤苑路淹留故舊多看到遷鶯還出谷潮通遠水自
生波欲知薊北懷君意月滿關山雪滿河

昔別裁書幾度封都將客意付歸鴻漢庭有策曾三
對顏巷無愁任屢空松柏寒深猶傲雪鷗鵬秋勁會
搏風須瞻緩步青霄上始識尋常未可同

鑑湖樓閣

樓閣巍峩鑑水東曲闌回檻倚晴空天邊雨過春雲
濕海上霞飛曉日紅樹色平連青嶂外漁歌遙度碧
波中老來積得書千卷閑日長吟興不窮

送張布政還山東

經營洛邑太平年方嶽論功羨獨賢客却送行殘雪
後薇垣歸到早春前五雲宮闕千門日十二山河萬
井烟自想政成無所事別離空遣寸心懸

白鶴山房揚學士讀書處

住近先塋心獨閑山房遙在萬松間興來得句應題
竹畫靜看書不掩閑金馬玉堂天上路石泉烟壑夢
中看展圖豈少雲林思欲效忠貞未得還

送羅侍御還烏臺

明時共說作官清獨立烏臺有令名攬轡霜飛巴子

國盡簪雪落廣陽城官亭把酒驪駒發駟路衝寒聽
馬行歸去若逢胡侍御殷勤為道別離情

魯林懷思為孔太常賦

一從南渡隔天涯洙泗還轅孰與期春草獨深吳地
雨秋風不盡魯林思遥瞻松檜非今日欲薦蘋蘩定
幾時簪綬幸能逢

盛世廟庭洒掃未應遲

山水

石橋飛瀑畫潺潺坐對江亭心自閑
琴客有時看竹到漁翁何處棹舟還
蟠雲松樹偏臨水隔岸人家多

傍山忽憶故林春
雨後沿溪晴步石苔斑

環溪八景四首

青山萬疊鬱嶙峋
紫翠空濛楚水濱
雲氣盡含廬阜
雨花香晴拂武夷
春苔封絕磴
樵歌靜霧隱層崖
樹色新
惟有郭文清
興在觀遊
不惜徃來頻

右茶峯疊翠

源泉深匯鏡湖平
水閣秋澄愛月明
岸曲祇疑蟾影
及風來渾覺桂香清
光浮幽壑潛虬出
波漾寒廬宿鴈驚
賀鑑當年誇勝槩
若為相對更多情

右泉湖夜月

平郊十里有孤亭
驛騎紛紛見送迎
南接關山臨海
激東連驛路上神
京寒衝盛霧霜凝
曉注平坡日絢纓
忽憶當時題柱客
獨乘駟馬洛橋行

右南亭歸騎

梵剎巍峩倚碧山
疎鍾杳杳出雲間
聲聞下界清風
度響徹空門
白日閑
祇樹葉飛驚颯沓
靈岩泉落失潺湲
少陵曾宿龍門寺
聽罷長吟欲忘還

右北寺晨鍾

送傳僉事

楊柳西風葉未凋
送人折柳傍危橋
也知魏闕承

恩厚不憚河陽去路遙
驄馬獨乘寒氣重
絁衣猶帶御香飄
外臺風景依然在
好竭公忠答聖朝

三山曉月

三峰嵐氣曉來清
初日纔升萬壑明
深樹葉歌知鳥散
平村烟靜見農耕
樵人逐伴山中去
估客揚帆江上行
得似玄暉窓戶裏
吟成相對有餘情

五渡寒流

五渡溪邊寒水流
水深沙淺正宜秋
灘聲不似黃牛峽
柳色遙連白鷺洲
畫舫閑時從客渡
碧潭清處見

魚遊君看江漢朝
宗意誰向危磯理釣鉤

同江烟樹

綠樹陰陰紫翠團
晴烟一帶俯江干
行人策馬穿林去
使客停舟隔浦看
春暖叢深鶯乍囀
日高花底露初乾
何應長似臺前柏
共守清霜到歲寒

玄潭劍石

誓祛妖孽使人安
白日惟將一劍看
勁氣割令山石裂
清光遙射斗牛寒
名邦遺跡留長在
終古神功著不刊
却咲長房懸索處
得成仙去又難觀

送許公儀之夏津

雙闕承

息歲晏時夏津南去近京師城頭日出烏啼早河上
水堅馬度遲花縣即官期贊畫鳳池同氣惜分離也
知蓮幕多優暇好寄清吟慰所思

贈陳醫士

妙傳仙術不論方自有清名達

帝鄉夜鼎虹光丹火伏春林日煖杏花香金門待詔
青霄近柳市懸壺白晝長可是文園多病客瑯瑤欲
報意難忘

新春五日送汝良還鄉兼簡謝二桃源利貞

相逢旅館歲應闌幾日東風不盡懽冰雪漸消春向
暖閃河遠去路猶難邊淮潮浪平時渡入楚鄉山好
處看今弟桃源如問評不才猶自侍金鑿

送子潭還南京

雪晴沙暖早春遲河水流漸欲別遲客夢遠隨青雀
舫宦情多在白雲司滄江潮落風濤靜紫陌鶯啼楊
柳垂悵望鳳凰臺下路先將歸興報親知

春日陳檢討宅燕集

十年文苑著才名進秩爭誇侍從榮已喜承
恩趨北闕還看載筆入西清華堂尊姐留春燕綺席

笙歌借曉鶯不惜東風歸路晚醉來高咏有餘情

送尚友知州

天上承

息香滿衣雙旌迢迢向南歸離筵酒共孤琴罷驛路
雲隨五馬飛灑水卸帆情獨喜薊門見鴈念相違黃
堂清坐無餘事秋草滿庭人到稀

吳楚在望圖

白髮慈闈在故鄉難兄遊宦亦殊方情飛楚塞關山
遠夢入吳門道路長堂上歡娛思戲絲客邊風雨憶
連床政和縣裏鳴琴罷極目江天思不忘

草亭小隱畫像將司務父

丰姿偉岸眼中稀蕭散江亭隱翠微青竹林深知掃
徑白波鷗近為忘機夢醒聊作東山起賦就空慚栗
里歸窳寞獨留遺像在令人瞻望思依依

天水一清樓

湖邊樓閣鬱崢嶸水色微茫泛大清灝氣淨隨春浪
遠離闌低拂暮雲平曉看赤日波心上夜覺銀河地
底行登覽誰知王勃英雄才高詠使人驚

送梁多象還吉水

每憶難兄嘆遠違獨將行李望京師到來未識荊州

面送別還吟常棣詩客路亭邊分手急故園江上卸
帆遲也知正及東風後草綠池塘有夢思

婁桑里

桑田何處望滄瀛此地猶傳往昔名衰草烟深迷舊
跡空林霜重落寒聲幾家茅屋聞鷄唱驛路斜陽見
客行遠送雙鳧從此去停驂吊古不勝情

蒼雪軒為滿上人賦

方丈前頭綠萬竿清風五月不知寒陰連窓下馴龍
虎翠入雲間宿鳳寫自覺空林無俗氣何須每日報
平安幾回出定臨高節隨意題詩到處看

送潘參政

昔年金榜得聯名顯宦朝端獨有聲藩閫待宣

天子化都門惜別故人情曉辭雙闕瞻

天近春渡重湖見底清想得薇垣多暇日還將歌詠
頌

皇明

送開上人歸德清

昨承喜識遠公顏忽捧除書出

帝閔江上浮杯隨月渡天邊飛錫逐雲還官河行見
新春柳梵剎歸尋舊日山回憶金臺相送處離情都

在畫圖間

南鍾舊墅

南鍾昔日有亭臺竹樹園池碧澗隈遺趾每從行處見好花還似舊時開桂林習隱題詩到苔徑閑遊愛客來紆綫只今憐久別楚山西望首重回

學書軒

聞說幽居與靜宜鍾王書法是吾師閑時獨對來禽帖長日多臨洗墨池索靖銀鈎能自得李邕仙手少人知興來不用芭蕉葉一筆書成字字奇

送劉英進士

桃花開徧柳絲垂拜

命南還輕別離虎榜久看登第日麟膠初就續絃時
薊門祖席聊須醉楚岫歸舟莫遣遲想得到家娛綵
處壽觴雙舉樂無涯

斗山風木

斗巖蒼翠九華連一薦蘋蘩一愴然封樹淒涼寒雨
裏悲風蕭散墓門前感時泪滴清溪水掃葉猿啼碧
嶂烟久別去為駘馬客不堪回首暮雲邊

送章克安歸紹興因寄聲其兄郎中

明時

詔許暫歸休東入鄉園遂舊遊岐路獨看紅旆去一
樽聊為故人留金臺曉月清宵夢刻曲薰風綠水舟
到日難兄如問訊海天相望思悠悠

送錢愈憲

西安行李幾時歸南去閩中衣繡衣辭

闕九重瞻日表乘驄五月帶霜威近看海上三山出
遙望雲邊一鶚飛莫歎寄書無鴈到往來使客未應
稀

七夕 二首

天孫神彩獨飄飄如聽懽聲動

九霄雲淨銀河初度影風清烏鵲已成橋暫時那遣
他人巧竟夕能令別恨消但得一年一相見離居應
不怨蕭條

盡說窮陰七月多忽驚此夕見銀河欲令霄漢星辰
會不遣陽臺雲雨過士女茶瓜爭乞巧天孫機杼暫
停梭可憐獨守潘生拙團圓詩成只自哦

中秋夜飲呈同席諸公

窮陰近夕忽然開天淨虛窓月影來莫嘆光陰如過
客且將歌笑共銜杯醉中自覺愁心失城上誰知刻
漏催飲罷夜闌還剪燭賦成佳句羨奇才

新鴈

春深一去幾時歸，忽見凌雲作陣飛。塞北天寒冰雪滿，江南水闊稻梁肥。風清絕域秋聲杳，日落長空夕影微。憑寄音書到鄉國，莫令親友嘆相違。

處州妙成觀有軒曰掀蓬，甚清絕。鎮撫孟廷用為予言，宋何丞相有詩刻之軒中，誦其辭甚習，求予和之。

軒居幽處碧山前，萬壑千峰擁一川。窗外每留騎馬客，柳陰常繫釣魚船。丹房石室寧無路，琪樹瑤林別有天。安得與君同載酒，掀蓬吟眺白雲邊。

初度日酌謝同寓諸公

初度蕭條對素秋，多情開席慰窮愁。競遺香帕青雲絢，徧勸深杯綠蟻浮。鏡裏衰容看易醜，郢中高唱和難酬。丹心不為艱危變，聯珮終當覲冕旒。

九日再酌

幾年佳節留

京國今日淒涼處，夏臺知己清樽聊共酌。故園黃菊為誰開，情飛紫禁雲長遶。目極遙空鴈獨回，興洽暫因愁思失。更將談咲共餘杯。

小窓

小窓新巧近林前
高處遙臨河漢邊
開鑿為嫌圭作
竇虛明却咲管
窺天庭空縹緲
看雲度夜靜低昂見
斗懸稍隔飛塵清
俗慮題詩啜茗且陶然

吳尚書惠炭蕪餅醞

冬官獸炭出華堂
幽室寒輕意更長
熊豹伏蹲噓蜃
氣珊瑚錯落散虹光
擁爐閉戶通宵煖
對客烹茶滿
座香更遣愁懷為我減
松花仙餅薦瓊漿

得毓敬書酌之以詩

久罹沉鬱更相思
忽覩來書涕滿頤
憐我艱難踰骨
肉緩人愁苦異親
知暗蛩砌畔鳴
衰草白鶴松梢愁

故枝一段深情吟
不就片言那得盡襟期

挽方正履端

東風欲暮百花開
却恨斯人不再來
南郡遺民思別
駕春坊舊友惜雄才
兩深潞水銘旌去
月冷杉關吊
鶴回悵望闕山松
栢裏玄猿啼處不勝哀

題楊郎中寧公勤堂

奉

命初從南詔去
歸來聲價重
蕪金明刑已著
無私譽
補袞猶持不懈心
行佐元戎當伐叛
坐看黠虜盡成
擒豈徒

鳳詔崇褒典
彙鼎勲名照古今

古廉李先生詩集卷九

卷之三